

# Powšitkowne WOZJEWJENJA

njedźelu, 21. oktobra 2012

## Nyšpor w Róžeńce zaso zašo

W Róžeńčanskej hnadownej cyrkwi su nyšpory po přestajenju časnikow na zymski čas zašo. Wěriwi su wot přichodneje njedźele, 28. oktobra, zaso w 14 hodź. k nyšporu přeprošeni.

## Přiležnosť k swjatej spowědźi w Róžeńce

<b>sobotu, 27. oktobra</b>	farar B. Šořta, farar M. Anders
17.00 – 18.00 hodź.	farar H.-J. Kupka, farar B. Jakubaš
<b>wutoru, 30. oktobra</b>	farar B. Šořta, farar M. Anders
18.30 – 19.30 hodź.	farar G. Wornar, farar J. Magiera

## Kermuška w Chróscicach

Wšitcy serbscy młodostni su pjatk, 26. oktobra, wutrobnje na kermušku do Chróscic přeprošeni. Wječor zahaji so w 19 hodź. z Božej mšu w cyrkwi. Sčěhuje zabawa w „Jednoće“.

## Mandźelski seminar

Přizjewjenja za seminar k přihotej na mandźelstwo wot pjatka do soboty, 30. nowembra do 1. decembra, w Smochćicach přijimaja so pisomnje hač do pjatka, 9. nowembra, w Dekanatnym dušepastyrstwe we Worklecach. Dalšej seminaraj budžetaj 15. a 16. februara 2013 kaž tež 1. a 2. měrca 2013 tohorunja w Smochćicach.

## Dwaj dnjej jenož z papu w Smochćicach

Nanojo ze swojimi małymi džěćimi w předšulskej starobje su wot pjatka do njedźele, 2. do 4. nowembra, do Domu biskopa Bena w Smochćicach přeprošeni. Na programje steja mnohe móžnosće, zhromadnje rjanej dnjej přežiwić. Wosebita wažnosť kładže so na to, zo mataj nan a džěćo čas za sebje. Runje to w chwatku wšědneho dnja doma často pobrahuje. Dalše informacije su pod [www.benno-haus.de](http://www.benno-haus.de) wozjewjene. Zajimcy měli so w Smochćicach přizjewić, telefonowe čisło (03 59 35) 2 23 17.

## Putniska jězba do Lourdesa, Neversa a Flüeli

Pućowanski běrow ATeams poskićuje wot srjedy do štwórtka, 25. septembra do 3. oktobra 2013, putnisku jězbu z busom do Lourdesa, Neversa a Flüeli. Duchowny nawod změje farar Andrzej Glombitza z Leutersdorfa. Šoferka budže Cordula Lešawina. Dalše informacije poda a přizjewjenja přijimuje Andreas Thomas w Šěrachowje, Cyrkwinska hora 1, telefonowe čisło (0 35 92) 3 58 98 55.